

四庫全書

史部

欽定四庫全書

欽定熱河志卷四

天章四

御製詩

雨
癸酉

秋暖蒸為雨霏空勢渺茫盡湔婪尾熱忽送打頭涼
圃老欣畦潤征夫怨路長人情評度處難得兩全方

雨

臨秋清暇好作雨塞山靈著樹湔紅綠霏空幻色形適
當停蹕際便可倚牕聽雨兩沙禽度衝煙落遠汀

八月廿三日作

恨以終身誌推遷倏復臨有懷

雲日杳無邴歲時深默處山莊寂閒聽簷雨斟重欽瞻
顧命益凜繼絕心

駐蹕

細雨朝仍灑宣傳清蹕留亦因戀佳境何必急鳴騶卓

午旋開霽乘涼暢盛遊山靈真解事著我恣吟秋

尋題

尋題得句旋移境乘興為書不擇牋若問山莊殊勝處
逢源左右總超然

霜

氣寒邊塞外白露早為霜萬里晴連漢十分曉變涼山
田收刈罷蒨屋堦熏忙物候親經慣關中正不妨

即事

山村到處慶逢年民事咨諏緩著鞭詰曲籬邊聞犬吠
高低樹裏起炊煙

雲裏高峰雨不知漲添千澗只移時輕煙片刻全開霽
碧宇晶陽幻太奇

千峰紫翠畫屏迎不定尋常陰與晴截水愛看橫蟹斷
隔林時聽圓駝聲

早征

早征早蒞止庶事暇有餘蹉跎或宴行奔迫將何如可

通為學方及時戒越趨所以古之人孜孜惜居諸老大
嗟何及慎哉君子儒

題董邦達秋山煙靄小卷

為便行囊作袖珍秋山浮靄霽光新展當瓊室千峰入
著語難分盡與真

即事

崇邱倚杵玉繩低開錦風前百鳥啼山體靜存雲幻動
馬頭東向霧迷西溶溶澹帶晨蟾影斷斷幽尋野鹿蹊

詎為盤遊恣從獸詰戒深意此中稽

重陽

九日惟今日登高此最高天空秋益肅峯迥興偏豪
擷秀寒於菊割鮮腴勝餽景光隨處賞廢咏有仙曹

即事

塞宇雲生欲變寒征裘逐日換歸鞍築場納稼逢迎好
農務民艱取次看過嶺東西兩流水映溪上下一停驂
山田頗有豐年慶祇恐茅檐尚怨歎

雨

行程指兩月為日亦不少長此竟無雨麥收安期飽或
夜雨朝晴否則駐蹕好人有不能從何況於天道知然
胡戚戚慮衆行泥濘習勞率藉茲自解聊紓抱紓抱馬
能紓遙遙憶淮徐秋霖實異常河徙奪洪湖嗟嗟昏墊
民漂搖棲沮洳所希霖澇減或可事歌醵此憂無解方
南望以齋吁

雉朝飛

甲戌

通閨候遲矧塞寒仲夏雉朝飛塞山據岡雉侶輝藻翰
氣滿不惜繡頸斷叶失者索莫得者閒揚翼決起青雲
間楚國路人或欺為鳳賜金十倍憐其意重如是郭隗
得亦何用

夜雨朝晴

夜雨宜農務朝晴利旅行兩全實艱致竟夕比秋清潤
漲東西水亭開長短程山莊至指日喜氣早蓬迎

雜詩

時雨復時晴山田如助長塞外秋常豐今來悉其象百
人抗浮勞一人挈而往得要為力易勇夫出重賞祈農
厘恒心籌遠運今想誰為無事人況我所仰

山雲

山雲易雨易為晴恰似隨人意止行暄潤利農真復慰
越因慰後凜持盈

絕句

稚松喬柳下屈抑不得長其咎在圃師樹人因可想

遊山雜詠

赫曦方報夏，颯籟頓含涼。避暑真仙境，遊山趁夕陽。
青雲艷赤霞，背影看翻鴉。生色王維畫，誰鋪魚網麻。
希草鹿未肥，漫試射生手。忘機亦近人，寧獨鷗堪友。
巖花錯野繡，可嗅不可象。黃蝶栩栩雙，雙量來大於掌。
迷離蔚榛烟，潏澹霏蘿露。蹠蹠珠勤馬，逕往風涼處。

伏日

名稱避暑莊，而無暑可避。三庚熾蘊煬，不到清涼地。林

深山益幽木喬陰乃邃仰眺浮雲騫暢披爽籟至乃悟
境随心心靜熱安寄祈農志略慰柔遠禮粗脩偶閒聊
可乘小年詎宜棄芸編足古歡鈿几研精義

喜晴

塞雨易為晴昨夜雨達曙黃梅正此時何妨霈甘澍北
地節令遲麥秋方刈穫叶久霖懼霉變以此生憂慮不
至關山外焉知風土殊叶率土皆我民到處厯農務焚
絲向曉稀翔陽傍午露徂雲忽剗開繁懷逐雲去

熱

避暑翻欣暑山田熱乃宜寧惟圖已豫常此驗農期節
候隨人轉民艱到處思炎歆雖覺酷風過有涼時

夕陽

東峰絢曜西峰暝低樹蒼蒼高樹明空雲忽染絳綺色
獨愛光翻鴉背翎雨潤既優日暄好農應西成登萬寶
誰謂射生孽收疆都識較晴量兩道百歲休和事不易
因之益凜持盈意後樂低似先憂多暫時寄興攜詞慰

荷露烹茶

平湖幾里風香荷荷花葉上露珠多
餅罌收取供茗山莊韻事真無過
惠山竹鑪做易得山僧但識寒泉脉
泉生於地露生天霄壤寧堪較功德
冬有雪水夏露珠取之不盡仙漿腴
越甌吳英聊澆書匪慕煉玉燒丹鑪
金莖漢武何為乎

習字

間日視閣章

凡臨幸內閣奏本每間二日
一至其機要重務不在此例
山莊有清暇

有暇亦何為讀書及習射書亦六藝一自古重墨稼
几鋪玉版嘉陰就松架繕性歸平易變體祛奇詭舉首
瞻

奎文當年此消夏

日影

浮陰每蔽日今日乃豁朗塞天益寥落千里浩莽蒼庭
樹弄其影霽霽沿階上花蝶粉翅翩榛蝸淒聲響何當
中伏節忽作新秋象老大誰所為如駛催時往去何於

其中欣來不懷曩禹惜良有以陶言兼可想

新月

將為載月遊蛾眉便延頸雖遲滿輪先已作宜人景星
榆誰則覩塞樹佳莫竝露坐不知寒目共踰西嶺

喜晴

兩日晴訖利塞田昨宵雨又達晨連徂雲過午收殘脚
一片斜陽墮馬前

塞雲雨易晴還易幻景斯須莫可形信步乘涼登極頂

四鄰山色一時青

到處籌農較雨晴封章近每喜音呈飾詞諒不頻來續
祇慮吾心或滿盈

山城夏霽歌題錢維城畫

赤夏賴雨亦賴晴潤之暄之禾怒生老農較量誠不易
幾多辛苦方西成是時山莊駐翠旌甘霖早澍溝渠盈
解作既息暑亦滌鵲呼正報開初晴片雲歸岫弱無力
涼風吹樹壯有聲黍高粱下盡滋渥油油葉激炎曦明

延樓埤垵曰綺望登臨縱目堪怡情餘事萬概都恰當
一喜所遇皆欣迎層峰沓障濯新翠烟阮石谷淙繁鳴
深林露墜茅屋濕野水漲到扁舟輕何來塞景肖江國
謝公佳句真豪清侍臣扈蹕圖所見宛然夏霽呈山城
高張白壁拂爽氣巖間輝暎新陽晶

題張宗蒼雪景

畧約縈紆俯凍灘遙峰天際玉巔岼誰知自寫江南意
雅合高張塞北看

閱本

三日一閱閣部章一日幾務三日當寧毋喜逸怠於忙
否或忙裏失精詳能言行則敢弗疊綴辭用箴勵自強
邇來遠近時雨暘西成顯望萬寶穰去歲災重厯淮揚
麥收幸得米價平叶祇聞山水發閩漳室廬則壞稼未
妨命亟撫卹令獲康詎云視民能如傷要惟斯志恒不
忘

習射

佳山佳水漫遊娛
習射相將校壯模
詎可太平耽燕醑
從來男子事桑弧
心平體直爭何害
志定功成語不誣
猶憶髫齡茲扈蹕
樹侯連中被

恩殊

爽

雲散寥天迥風來大野長
多人欣却暑萬寶慶宜暘
耐可紗衣試何妨紈扇藏
不須秋意至此地本清涼

荔枝

閩中嘉實到秋前朱顥累累湛露鮮塞北冰盤供夏清
定知解暑更

延年

廣博誰能窮蔡譜品題都識數陳家連樹擎來青石嶺
却疑兩度過仙霞

赤珠囊綴翠瓊株方物何須辭不須一騎紅塵味仍敗
始知記載率多誣

題張宗蒼畫

驛便攜來山水圖滿林濕潤尚模糊本來合是巖齋挂
簾外嵐光了不殊

立秋日作

無暑謂當秋不覺誰知秋信益分明昨朝婪熱蒸為雨
今日新涼迫放晴何必碧桐方識節

桐性畏寒
塞外獨無

由來高

日已懸清山田迎望西成近層閣憑臨一暢情

張宗蒼竹亭觀瀑

踈篠喬柯匝檻前飛流百丈落平川昨來湧翠巖前况

山莊觀瀑處石壁
鐫湧翠巖三字

點筆居然得我先

擬古詩三十首 有序

擬古之作益於選辭命意之中寓論世知人之旨
曩於幾暇擬古詩十九首復倣江文通雜擬每一
染翰如見古人於毫楮間今年夏山莊永晝瀏覽
篇籍念自西京迄於六代才人林立緣情之什各
具性靈文選所甄菁英斯備諷詠之次輒思摹倣
而衆體殊塗興懷異趣名家麗製美不勝掇因仿

文通例各取其一聊見舉偶至四言則漢魏僅涉
餘波自必溯源風雅七言數章椎輪太質欲暢斯
旨又當馳騁三唐其他單章偶見如紹統泰機輩
本未成家概從刪汰別體若束皙補亡應璩百一
鮑照數詩往歲均有專製無取複出又文通雜擬
中婕妤紈扇而外別鮮流傳孫許元虛選臺未錄
故亦略諸且河梁贈荅為五言權輿醴泉祇存都
尉茲乃首列子卿以補其闕綜而計之得三十篇亦

如文通之數叙其梗槩用示別裁以次綴篇自娛
清晏云爾

蘇子卿 贈別

武

日日金馬門相對或無語聞君當遠行語不盡愁緒乃
識非傷睽何當惜歡聚願為並翼飛而乏凌雲羽之子
身塵地伊我心馳所況子非常人武勇紹乃祖努力酬
主知莫繫交情苦仰瞻日與月東西相背處其心苟不
隔合朔從堪覩

魏文帝 芙蓉池作

丕

琳池植水華因名芙蓉池芙蓉照水鮮其芳清嚴余叶
攜我翰墨侶言燕淡蕩時遵陸瑀輦陳涉川華舟隨憑
軾覽嘉禾建旄摩喬枝畢景出皓星拂暑吹涼颼戰勝
倘未能佳喬安可期不如愛景光及此青年姿

曹子建 白馬篇

植

白馬錦連錢遙從大宛來大宛有龍種其始出天池
宛蹄善汗血珍重藏貳師漢使持金求遮攻反居奇
以此

命廣利期至堅城陞郡國惡少年數萬人以西子辭白
肯父夫別紅顏妻哀鳴忘鴻雁壯志勵熊羆調戈耀日
明羽檄臨風馳左摧陷鮮卑右突陵月氏青年近億往
黃髮盈千歸請聽天馬歌蒲稍西極俟倂遊閭闔權
奇觀玉臺何如獲白狼犬戎終不隨

王仲宣

從軍

祭

不能安蓬華乃復求簪纓食祿盡臣節此理亦易明朝
聞刁斗嚴明公當西征秉羽笑懦夫割鉛本儒生既愧

主吏蕭發蹤功已成
蕪慙留侯張坐謀
帷幄稱我公智勇
恢安藉贊襄仍伐
檀恥素餐橐筆猶
堪行間閭戒繹騷
儲胥夙克盈津前
方桂舟河上營蘭
垌親友遠來餞揮
去無戀情雖云一
旅勞所務萬方寧
行省大勲就凱歌
入鄴城莊堦花似
烟平樂酒如渾河
必繫吾土永言希
令名

劉公榦

贈徐幹

楨

任已無不可事君良
獨難管蒯攻佔畢
致身希朝端誰

知動拘束禮法不為寬譬彼鳥攫羅豈能刷羽翰與君
隔豈遙數仞之掖垣犁然限東西有情不能宣鄙人對
終日可以無一言同心而睽乖一日如三年鳥亦有翼
竝樹亦有枝連吁嗟我不如沉思發浩歎繼辭冀紓憂
憂乃益甚焉

阮嗣宗 咏懷

籍

歡聚離別端繁華憔悴根富貴豈不重更有重者存苟
非喬羨質失路徒悲辛高奔速人老憂懷託藻言

張茂先情詩

華

飽不知饑餒聚不知別苦胡然琴瑟和而各秦越處月
亦照我帷風不拂我戶怲怲撫空牀脉脉與誰語展策
誦闕睢爰獲我心所

陸士衡

贈弟士龍

機

友生有離聚兄弟無西東卒然當遠別惻焉傷我衷居
者勸加餐行人囑保躬臨歧逝將分悲意填秋空胡為
鵲鵲原竟覲牛馬風

陸士龍

答張士然

雲

士固信知已微君孰與言遙遙動參商有言曷能宣於
時況行邁悠悠山復川井邑豈宿識風俗非所便故鄉
真可懷遊子吁可憐夢寐或見君宛是樂羣年驚覺嗟
索居寫恨酬斯篇

潘安仁

河陽縣作

岳

我本志烟霞拔茅非所希一朝荷明揚儼與諸公陪混
玉既心慙妨賢亦面怩無裨人或容豈不畏虛糜以此

鮮組黻天陵駕言歸東山有美林秀蔭發華滋登高偶
舒嘯臨流或賦詩弱不勝耒耜課耕常及時自謂可終
年越畔無外思孰謂十行降復裨百里司既已承明命
寧令為繭絲此邦頗知禮朱博治異齊臨水每有悟滄
之濁匪宜鈎距我不能所能尚無為登城眺廣原阡陌
綠依依巾車循鄙鄉薑芋分町畦男耕而婦織民和訟
亦稀弦歌或可聽卓魯安足期夫子儻相過能無笑割
雞

潘正叔 贈河陽

尼

事君貴行道內外詎殊途
召父及杜母至今垂令譽
廟豈不佳袞職慙補苴
聞君一縣花與民共歡娛
戶不閉深夜遺不拾通衢
東山林谷幽寧復懷歸無

張景陽 詠史

協

易稱見幾行寧以終日需
醴忘穆生去申公徒嗟吁
遙千載下此風一何孤
惟有二疏傳高尚能繼諸
十二通論語吾職不為辜
宦成而不去後悔將何如
公卿餞

之行祖帳臨東都高詠蟋蟀篇揮霍尋歡娛多財志損
賢多財過益愚不獨肥遯嘉卓識堪為模

左太沖 招隱

思

青雲蓋危地窮林足安身山水不論價烟霞可養神巖
阿太古室鹿豕忘憂賓松篁奏仙籟薜蘿掃俗塵天池
沆瀣涵其中有錦鱗惟其不貪餌是以鮮挂罾巢許是
我師涓務是我隣衡門有芳謠可以書諸紳

劉越石

扶風歌

琨

西京舊帝都扶風拱黃圖昔為繁華里今為禾黍墟金
張貴既歇鄒枚文亦忽惟有金銅仙流浪辭漢月僕夫
秣我馬家人送我行客途始於此據鞍且復停四顧何
所往吾意方茫茫涼秋多悲風偏拂征人裳故馬靡蕪
坡散步松楸下拾得鄼侯名未央前殿瓦帝業尚如此
何況蓬茨間憤緒填胸臆欲語哽不言悲傷令人老棄
置勿復道瞥電能幾時成名苦不早蜩屈以求信龍蟄
以存身至今西山下幾見餓死人利獲害每隨失暫得

亦恒請聽扶風歌勸君權重輕

盧子諒

時興

謹

璿璣無停運四序調歲籥但見春復秋豈悟今非昨百
年等瞬息石火槁頰若北邙有鬱柏東海無大藥不如
愛景光隨時自為樂清風動帷幌華月蕩林薄洗心鏡
至清振衣踞崇嶠天機存其真詎因物止作可道非常
道希夷契冲漠

郭景純

遊仙

璩

仙人世常有所貴凌世出燕昭及漢武安得有仙日東
海水湯湯蓬萊山峩峩元圃種琪花神皋聳玉室是中
煉水碧羽化定可必子登授我簡云是瑤臺律大隱亦
甚難只有園稱漆

何敬祖 雜詩

幼

有風西南來知是行金商四序本遞嬗何獨於秋傷草
芳日以歇樹綠日以黃砧聲發遠村月色延虛堂虛堂
獨不見迢迢憶遠行篋我齊紈扇箴我越羅裳仰瞻河

鼓星相會宛成雙會則其歡短別則其愁長

陶淵明 咏貧士

潛

亨屯信有命達人安所丁巳或不介意旁觀為惻生傷
哉彼貧士踽踽林中行未火出華門見肘歸柴楹豈不
苦饑寒嗟來羞見稱愧我誠何謂五斗猶繫情

謝康樂 遊赤石進帆海

靈運

撰辰尋勝遊際斯節清和擷芳佩蘭茝窮變餐烟霞赤
石近枕海進帆凌滄波乘桴我素志况可捨影娥朝陽

神來賓元螭以馭車恬瀾導我遊此樂信如何疑見三
壺山縹緲復嵯峨溟澥雖萬變不離一勺多終焉任虛
舟泛覽窮天河

謝宣遠

張子房詩

瞻

紫色及哇聲聖王之驅除三秦屬弗靖有征發車徒方
舟葢長川組練明廣衢頓此項城陰息衆且斯須葆祠
四百年鬱鬱松柏扶借問祠何人留侯神清臞和鈴爰
至止椒桂陳樽壺甄揚乃在德聖心夫豈徒歌詩命從

官表宅之意乎。緬想羸政虐期，民離炭塗。公子報韓仇，博浪中屬車下。邳契幽叟深折，乃授書卒為王者師。能忍蘊廟謨，蒼旻佑赤靈。龍準德充符，伊人實贊襄。婉婉多奇謀，運籌帷幄中。決勝千里餘，功成求赤松。翩飛向仙都，我后方沛公。良其人則無奮藻揚休風，旋顧慙嗟吁。

謝法曹

秋懷

惠連

能令人傷者，夫惟值金秋。有月皆慘淡，無風不颼颼。載

觀古之人宋玉亦我儔當其悲來時偏塞填九州是時
天宇晶絳河見舉頭一歲纔一會感彼女與牛露立濕
衣裳幽薄螢火流竹響何颯沓蛩吟復唧秋人生百歲
間駒隙難喻適一往不復還自審安為謀英雄誇兄嫂
蘇子志已酬買臣訶其妻覆水難再收不殊鄙丈夫焉
及東陵侯曠觀無可依不如事豪遊太華停我車少海
維我舟却笑求仙人勞生終何投

顏延之始安郡懷都

延年

星斗既上懸山河亦下列大禹錫元圭至今九州別江
漢海朝宗參衡地奠臬讜憶子期諫誕鄙高唐說我來
守此邦撫字慙心拙去去奉明詔省閭班聯綴內外
亦何殊行道宜及節進退兩無就俯仰一何劣於古有
明訓尸祿戒位竊行將謝華簪躬耕敦素悅

鮑明遠

龍月城西門廨中

照

高堂漫張燈九華非夜明空庭度螢火其光何猥瑣微
蟲彼何為蘭膏有盡時何如天上月萬古騰清輝徘徊

銀漢表淡蕩玉閨時浮雲無纖痕千里同一思官遊多
拘束乘閒偶遊目隔牕散塵襟蔽櫳延清曠始聞曲發
郢既命琴抽蜀親串及友朋共此叙情睦芳夕隨地佳
何必深山曲

王琅邪

答顏延年

僧達

竊聞君子交久敬淡如水琴音失鍾期伯牙不復理余
於五倫中忘年遇吾子崇情實師範清氣消吝鄙惟蘭
芝並馨惟鼓聲相倚敬業竹素園奧研翰墨理時當節

序佳百昌向華美春山翠可望新波綠瀾瀾載泛李杜
舟言溯顏曾旨此樂何候忽一日三秋矣瑤篇寄遠音
深誼託精擬佩以矢弗諼荅以云如是

謝元暉直中書省

眺

委佩近彤庭書紳依紫殿瓦鴛散日輝渴烏傳漏箭綠
陰藹禁林已有新鶯轉當階紅藥芳影翻視草案鳳池
盍仙朋豈以樛材贊承明有直宿寢門違視膳忤馬鬱
吾衷賢勞何獨見縹組非夙志願託凌風翰

沈休文

咏湖中雁

約

春來水滿塘
迴雁報年光
唼錦新花暖
梯縠碧浪涼
往羽帶南雲
歸背點北霜
飛空或成羣
宿浦必以雙
兩翅依春秋
一心惟瀟湘

范彥龍

古意贈王中書

雲

昔者尹與邢
磬折服中心
何必定相妬
等是侍裊衾
北海蒙知初
南皮被恩深
遭逢都大同
光儀獨可欽
梧桐豈散木
鳳皇非凡禽
將託萋萋枝
必有雖喑音
余獨何

為者濫竽集泮林願言企良覲省閩隔沉沉

任彥升

贈郭桐廬

昉

維舟富陽江遲我心儀者云是早見候失期乃吾也有
心悲共傾有手歡同把竹柏懷三冬冠蓋輝五馬聚難
離每易音衆知則寡後會杳茫茫欲別還難捨從此天
一涯有衷向誰寫

江文通

望荆山

淹

桐柏襟淮源江漢帶荆甸湘沅既已疏衡巫於是奠楚

望快平生蠡測愧疎餞俯仰翰墨林唱酬風月宴金樽
亦有醇玉几寧無薦中心別感傷游賞非所戀汨羅淪
靈均永懷淚如霰

邱希範

早發漁浦潭

遲

春水漲漁潭朝霞起赤亭富春深秀區峭蒨含餘清置
浦何淡淡標峰盡亭亭行春爰及時攬俗兼課耕停彼
錦埭車發此鏡川舫烟景幻迷離水物呈芳馨愧無能
卜居合暫託幽情糾慢諒未能卧治庶可稱

熱

谷風爽彌月午炎劇今日明當祝融歸後勁亦理必山
田况賴恒恒涼奚秀實此熱不可無黃雲奄觀鉅山榛
蕩輕籟行宮清且謐對時思花機即境契彛秩地限誠
有權天行終不失

農稼資蒸溽行旅畏炎歎兩全誠甚難思艱寸心勞炎
官信其令胡不於昨朝吾寧之清涼車馬多囂囂
瞻避暑莊無暑恒逍遙

音南
教

新月

碧漢秋眉露一痕
晚涼行館靜塵喧
掃愁亦是添愁者
冷露無聲桂影騫

處暑

究是行秋地
那更處暑時
葉從人面落
爽自馬頭披
煙驛長和短
雲山幻復奇
田疇看漸熟
惟有祝霜遲

七夕

萬古淒涼夕
雙星聚會辰
塞高疑漢近
鵲肅儼橋陳
何

必層樓結依然檐鼓新不知月露下秋思動何人

曉行

一夜西風谷變涼行人迫曉換征裳山田亦自知時候
頽粟垂垂漸染黃

鳴鞭速亦停鞍速晏起遲還歇頓遲因識習勞常得逸
誰能修業不趨時

雨

午熱劉虞駝馬疲雲峰遠宇吐來奇須臾止頓輕涼送

武帳秋風度萬絲

長途豈乏後行人
漸石應教受苦辛
暑雨怨咨今不啻
每因即景慎臨民

山田日日看雲黃
都喜惟時若雨暘
可識先憂饒後樂
塞中還為祝豐穰

輕雷斷雨一川晴
西塞槍竿夕照明
還見遙天飛電影
紗衣不勝谷寒生

西北風

七月十四日

噫氣涼盈谷
敲雲天淡空
非關少女候
真是大王雄
翼退橫霄
鷁蹄輕歎玉
驄停鞭西北
望萬里此來
同

月
七月十五日

畢景羣山暝
林端滿月飛
呈寒無纖翳
委照有餘輝
拂我文木牀
寒我薄羅帷
靜對無不佳
況此深翠微
奚問中元節
河燈滿液池

急雨

急雨正當止
頓後午暄驅
盡峭寒生箔
雲捲淨雷聲
斷

夕照一川紫翠明

聞京師秋成有象即事誌慰

農家有常談豐年收成早今歲獲新糧乃在六月杪青
黃價未增預識苗秀好啟駕及停蹕綠雲觀載道避暑
居山莊兩月恣幽討惟是關內田來徃縈懷抱京兆報
佳音西成逮萬寶巡方有常度祈年切久禱慰慶志愈
欽際泰貴善保

蔣溥進所作塞外雜詠依韻和之

羶廬

耽逸懷居理則那拂廬取便穩裝駝放彌卷密施功易
水驛山程得景多近渚恰宜臨野蓼依峰偏愛冒烟蘿
方圓毳幕施俱可揔是人間風月窩

駝裝

鈴聲替戾度行駝致遠擔勞有足多訝可知風還聽水
寂耽柳陌與沙坡剛欣卸重成羣臥又迫臨明逐隊過
飼秣恩誠思致報崎嶇路亦慎防蹉

馬絆

伯樂偏虞馬易馳維連以絆出奇思除將麋鹿難為繫
任是驂騑亦設羈卓立試嘶清夜月恣眠常憶白莎陂
繫之亦欲飲之節此事維應善牧知

風竿

雨朝風夕自飄搖誰翦衰雲落絳霄有意恰知馬足倦
無言應解客心招低翩高颭皆成畫圓碧方紅各取標
最是幕中鼾睡遍一竿月露漾清宵

雨溝

雨脚飛來碧嶂頭
周防已作未然愁
落空任灑人形悵
就下都歸之字溝
瀼瀼應知看立涸
涓涓且擬聽新流
奚童畚鍤勤疏鑿
底慮焚絛鎮相入
繆

設卡

沿岡一帶勢連雲
露重莎平淨翳氛
鈴索宵明依制設
官郵今昨計程分
隍中祇慮聲驚獸
磧裏無存意習軍
陳利誰何更無藉
頒禽也足當酬勲

地竈

朝晡惟是供炊用增減非闕設計深撥草乍欣逢舊穴
烹魚奚藉溉新鶩酣飮未易尋常踞墨突休言不待黔
移頓莫教輕掩棄卽省昔製乃資今

安市

車載肩挑逐逐來營東遠列任鶩脰米鹽日計應教聚
蚩眩風澆未許開縱便罷譏何有惠豈常負販不儲材
蠅頭笑彼旋糜盡滿索盈囊若箇回

征衣

衣裁短後合時趨打疊巾箱脩遠途豈是從戎歎離別
也須著意稱身軀鵲梁慢誚輕濡翼韋褶偏宜淡染燕
頗有鄒枚尚寬博果然實必與名俱

銅畧

巧製伊誰意最初不淆方位指南如宵明長短無差報
十二時辰有定書測景每教臨日下尋題便以適幾餘
今人雅合分陰惜陶侃名言實起予

頌鹿

罷園休息羽林羣營外頌禽率未申獨享不盈饌腊藏
聲均霑偏厚膳虞人堆來已看彌平壤持去從教饋比
隣自割懷歸且無罪空還應慮細君真

和詩

每因得句命賡詩韻府類函儘覽披畢竟老成還獨步
可憐後進亦攀追古今風雅誠誰是宵旰憂勤只自知
不是賞花釣魚處呈箋難與辨妍媸

張宗蒼白雲紅樹

乙亥

北來重見南宗筆畫裏全收戶外山過眼驀懷去秋景
補吟聊趁此時閒

曉月

猶是中秋月偏宜北塞晨銜峰矗高樹入水漾清淪寒
益侵川路光維照旅人行裝多打疊縹緲覺堪親

曉行

銀河欲落月正午疎星三五猶堪數一派嵐煙谷口橫

曉色昉昕東方明須臾朱鳥檣竿昇霜華離離羃野革
隔嶂恰聞呦鹿鳴千幕捲撤向前頓我亦因之為曉行
續峰跬虎紛紅紫佳處不妨行且止豐城客子曾有言
本意由來是山水

九月朔日作

野濶天蕓寥節肅秋惟季疊樹半餘紅喬柯全挺翠霜
叢燦曉華風葉含涼吹杉茲聞獵塲衰時易簡地扈從
有儒冠可以攄吟思

停蹕

停蹕仙莊亦有因
仰流遑待後來頻
秋潭菊落波心艷
冷砌筠翻窓影新
叢樾掃餘那隱鹿
名山住久覺親人
驛章進止饒清暇
觸處閒叅總靜真

即事

霜重湖益澄
葉落林逾靜
呦鹿叫烟懶

鹿惟鳴秋入冬則斂聲矣

鷗護波冷
稚冬藹清暉
隨時愛寒景
幾餘展芸編
明窓虛且迴
故知此其常
相值意為永

欽定熱河志卷四

欽定四庫全書

欽定熱河志卷五

天章五

御製詩

山店 內子

山店誅茅亦易成居民火種復刀耕
孳豚處處牢堆石防虎家家柵樹荆
粗糲聊安衣食計逍遙且免市鄣征
前驅俞騎休呵譙政欲窮簷悉隱情

朝嵐

朝嵐夕靄人常言率擬霞標而已矣不知斯亦氣流行
如潮汐自滄海起兩山之間必夾川萬澗千溪匯於此
嵐靄定從川下降倒行逆施無其理塞上厥候益分明
曉暮添衣乃所以濛濛淪淪中驛鞭自遠望之謂雲裏
暖

出關颯生涼塞上疑已霜崖口昨來入反覺暖異常亘
嶺樹多綠綿谷草未黃侵晨著絮衣卓午換袷裳對時

體溫肅隨地愛景光

九月朔日

秋惟季月清塞至興安迴潦盡潭益澄葉落山愈靜松
蒼識勁節楓丹繪餘景肆武旣云要勞衆亦應省事鮮
兩全方為是頻耿耿

霜

盧龍真是塞青女每先時不待雲鴻報還惟巖鹿知素
華明益羽颿冷拂鞭絲為憶從軍者天涯露宿披

山月

依依漸出林
岡岡高映岑
瑟瑟秋方季
寥寥山復深
網水上下光
吻鹿悠揚音
颯景自伊古
靜會偶於今
徘徊入我窓
武帳延清襟
坐見林巒間
適者獵騎駸
生風興固豪
耐可閒對心

雪

破曉雲濃傳
罷獵霑衣將
謂雨霏絲須
臾亂灑永花
落塞景離奇
幻若斯

翠栢丹楓瓊蕊結側峯橫嶺玉屏開營邱畫與樊川句
問爾何從見此來

既密還疏飄散漫雖寒不濕靜便娟便教收取三清煮
武帳由來有宿緣

丙寅十月定興道中雪
永煮三清茶曾題句

遇閨

遇閨深山秋益深每因趁暖一幽尋松盤嶺腹蒼中翠
葉落波心靜裏沉鹿度巖邊看活畫禽鳴林際聽仙音
養生自是斯間好勤政名軒敢忘欽

暖

通閨秋偏長關外侯尚暖乘時種宿麥翻犁趁閒緩塞
瑾既已畢衣食粗云辦叶閨閫象安恬繡衣何必遣因
知為政方居散而行簡

寒

一夜山風急曉來生峭寒炎涼變何速消息理憑看坐
愛當窓日遊遲隔水戀獨思扈蹕衆寧不怯衣單

古澗泉

古澗泉淙淙滴滴幽崖斟若有若無斷且續盈科不競
淺復深却如南華已槁之木又如五柳不絃之琴古澗
泉惟應印古月以為心

閏九月九日作

遙村近墅霽烟光立馬崇椒了不涼自是登高宜上塞
不妨把菊閨重陽天臨澄廓目因遠樹謝繁華意轉長
邇以提音待西北每當勸樂轉徬徨

明牕

山房淺置簷曦牖暖烘幕溫暾晃陽林朔氣避陰壑儒
擬白駒速農喜黃棉著綈几陳芸編稽古一斟酌衰盾
殊愛畏絜矩知所託

積素

積素迷離隱翠嶠朔天見睨未云消連村畫景張橫幅
著樹梅花發野橋駝法石溪銅鐸細人投茅店酒旗招
鳴鞭為卜邊關內可得盈疇被麥苗

暖

一綫巖關變涼暖雪無餘白樹留青盈冲詎是移天紀

起屬由來據地靈

關內常暖於關外或謂一牆之隔氣候頓殊不知長城原據太行之餘而

築山界南北涼暖自殊此理易知耳

僕役衣單宵免歎圃場稼納歲方寧

謂宜慰矣翻悵悵西北捷音亟待聽

秋熟

丁丑

關外逢秋熟忽如夏杪時
葛收箱欲換扇衍篋重持每
逐含風爽還思蒸雨滋

天恩各知否華黍待成遲

雨

關外夏雨少山田早憂旱遭祈即霑澤稍救嘉種晚谷
中綠迴蘇黃萎惟山坂邇來厯厯看歉狀嗟盈眼晚蕎
及秋菜皆可濟餐飯既蘇復待滋為之愁展轉夜雨聽
枕上聲細意不滿陵晨巖雲重作勢續復斷蓄極乃大
霑一洗餘威暝隨處為祈年詎止恣遊行

晴

密林兩日極優霑既雨宜晴意為快玉宇迥澄斜漢影

絮雲已避遠山尖樹將暖旭輕籠牖花與香風並入簾
稍幸樂成憑閣望晚禾半得有秋占

八月朔日作

天光澄絳河雲影歛青螺最是仲秋屆偏饒塞景多對
時協平秩

昔曰此卷阿霽色生餘暖還欣利晚禾

細雨

細雨剗經五日纔灑空
雲雲復徘徊晚田恰喜蘇秋後

野老都云帶澤來，遠浦烟輕紅泛蓼。斜蹊濕重綠猗苔。

祈年法

祖吾恒願慶慰寧關天馬徠

是時哈薩克頭目頗有投順者已遣使在途尚未至云

遣懷

豫齊數郡災賑賙亟籌畫遙心繫淮徐沙刷幸免厄幾
南乃波及昏墊為愁劇關北復遭旱吾來始霑澤三輔
雖有秋過糴非良策所以粟轉貴

天恩殊可惜

近京一帶自春徂夏晴雨應時秋成可稱豐稔因畿南被災商販轉運艱處取利而關外

默收又無入口之米昨京尸奏一心周九寓曾無可逸
秋收九分而來領轉貴者以此
隙山莊縱自佳耽佳豈可得

初月

初見中秋月還於避暑莊一鉤清不盡萬刼朗如常溪
水依微漱巖林掩暎蒼倚吟蕪罽望那礙晚風涼

即事

衣試輕寒添幾多野流無定繞陂陀綠雲底事紅霞襯
始悟巖楓宿雨過

山行

山行不用命中車，散步尋幽亦足嘉。
漲影過橋留枿莽，曦光落澗起烟霞。
園中晴雨峯峯別，塞外暄涼日日差。
何事未曾忘結習，觸懷便擬試吟義。

八疊中秋帖子詞命扈蹕詞臣和之

有序

玉宇宵澄月屆秋，中而愈皎屏山雲。
斂地臨塞上，以彌清不有新吟何酬令節。
聿溯宜秋綵帖裁詩，肇自丙寅駐茲避暑仙莊。
賡詠續成丁卯嗣是磧。

山帳殿裁舉前規時當大液秋風咸循成例環周
一紀永輪常映冰心疊和八巡勝賞仍於勝境益
廣詞林之典故並增歲紀之華編

令人喜亦令人閒端正何須藉斧刪塞外偏饒風雅地
試看玉鬣上錘山

三千世界一輪光金粟依然發淨香妙趣風人如會得
解頤應勝鼎來匡

藉甚丹青命畫師曲屏八疊恰成詩湧金漫說錢塘好

一例冰光潄磧池

山高底事上層樓又紀清光丁丑秋風景皇州爭較異
綵棚瓜餅貨街頭

山村

山村歷巡農築場納稼早問雨夏曾霑稍救青苗槁所
以秋成況較迤南頗好額慶為茅簷庶得二鬴飽共喜
室家完且免租賦擾括田亦奚為藏富原有道

谷中

谷中落雨高山雪向北應知氣候涼
陡憶熱河遙隔嶺
迴蘇晚稼未登場急教巡視馳烟驛
且課倉箱歷野莊
彼此原多遺穗穗便斂峯玉審何妨

雨三首

海喇汗常靈應明易為雨亦易為晴
重輜都過午圍罷
霑灑秋山舍洗清
塞上靈應山蒙古語謂之海喇汗不敢直稱其名也凡車騎經過其側無

不雨雪俗云洗山屢試不興

空羅縹緲復蒼容
塞上烟光每恨逢
最愛雨收霞脚露

倚天玉積幾高峯

聲聲銀竹奏笙竽潤景寒山故愜予倚着方窓聊縱望

石渠似展米家圖

夕

錫宴駐行鑣乘閒興亦饒夕陽隱西嶺暝色逼疏寮月上山空濶風過樹寂寥雲軒歸靜憩清夢或逢

堯

執
戊寅

關外秋禾勝去年攬轡沿途為慰悅山莊近遠卷黃雲
晶陽邇日更蒸熱固云時煥催西成當秋炎恐乖素節
紗衣傍午欲換葛松牖延颺復搖簟菜畦蔭圓胥待潤
山岡易燥金曦烈因思涼雨一漙溉蕎麥作花方似雪
情知萬事難兼金惟冀兼全意方愜

微雨

微雨聞清夜情知未即霑山田多益善塞苑冷何嫌菜
畦葉方茁蕎坡花尚纖老農與老圃寧識慮常兼

雨

塞山易作雲，今秋乃艱致。展轉切望霖，晚田漸憔悴。
觸石膚寸合，靈雨盆傾至。既放更悠揚，綿霽飄長勢。
婪熱復何有，乍可夾衣試。蕎黍總回蘇，瓜菜洎餘惠。
去歲關外旱，來即叨明賜。大田雖無救，遲稼半穫遂。
今年早收定，雨暘頗愜意。邇來方待澤，此雨真稱瑞。
勤民無間心，祈農寧較地。却懸關內望，曾否均霑未。

驛章至知京師亦望雨詩以誌事

昨對秋霖偶隨情驛章今遽自都城一般蒼莽原需澤
廿日風雲太過晴敢以黍禾穫為解惟茲宵旰慮常縈
先憂後樂本吾分終覺樂稀憂每盈

塞山

塞山過雨易生涼清曉居然換袷裳谷口沙含漲影退
樹根草掛蔓絲長稱心野景呈虛曠極目秋田蘇遠岡
傍午轉暄真恰當為催萬頃稼雲黃

新月

眉細中秋月冰寒欲滿空塞山高見早素景迫難同漱
灑滄池浪徘徊疊樹叢錘峯玉臺是圓鏡待懸東

夜雨

怪底山涼切枕衾
雲雲夜雨落空林
繼霑更較前朝渥
疎滴旋聽密點斟
楓葉不殊蕉葉響
早田望到晚田心
霽非急陣應遐被
佇擬京師報喜音

即事

厄魯蕩平回部連
止戈畢竟是何年
固緣弦上矢必發

終愧階前羽舞旋
勃律正聞踵來接
堅昆佇待首誅駢
山莊行慶暇奚念念到庫車阿那邊

涼

曉起居然愛向陽
塞人能爾變炎涼
篋中率欲藏輕扇
林下無煩泛野航
且喜秋雲纔過雨
亦愁白露乍為霜
一愁一喜緣何事
萬頃田雲漸作黃

雨

山雲過午重秋雨
帶涼來益覺蒿蔬好
雅宜松竹陪霈

膏露亦易婪熱滌如摧京報霑仍冀

昨閱驛章知京師雖得微雨尚冀大

霑南瞻慮幾廻

京師得雨誌喜

京報傳來霑澤充北南霑潤一朝同

十三日熱河遠近同時並得透雨

那當秋日還喜雨慰在其中愧在中

街頭米價早稱平

京城秋初糧價稍昂命發倉米分賑近已平減

却為晚田望

澤忭為坂萊畦生意轉欣同農圃待西成

遣興

遣興寧蘄辭騁妍山莊書史足精研一心不息庶少過
萬事由來忌太全詎以內安忌外靖那期後樂祇憂先
題詩四壁驗今昔政學均慙尚闕然

策馬

策馬度山村過雨蘭蹊淨高下稼滿谷穗飽纍垂柄便
霜亦不妨西成料已定去歲此間旱經過切憂恹今秋
償倍蓰額手為深慶永平戶口滋穀寶繫民命內地無
遺利關外率墾竟一例祝倉箱豈復分庭徑設以漢唐

論守在此所屏今古實異宜要在因時應保秦凜三無
勅幾勤八政

詠掛餅

大邑冰瓷巧就模
擲芳隨處貯瓊敷
郵程水陸延羣玉
風月三千護藍珠
不是文殊命
章子定為長吉背
奚奴
一塵弗染諸緣靜
豈識尋常有苑枯

即景

拂廬幾點曉霜輕
跋馬剛欣卜爽晴
問景雅宜詩外趣

合圍總在畫中行塞山涼暖渾無定
嘒樹丹青最有情
詎謂從禽忘一切庫車時刻念怵怵

俊鵬驄歌

烏良海獻胡青驄天閑牧養經再冬
本是俊骨易調習
今來脩駕秋圍中左旋右抽盡如意
發小殪大皆從容
一馳疊獲鹿曰兩再馳更斃狐之封
千二百騎所共覩
無此此輩惟面從致力可思佳名賜
亦不啻力德並同

九月朔日作

策馬凌晨了不涼
縝紛疊嗽錯青黃
望中九日節將到

塞上今年暖異常
漫學鹿麋嫌候外

鹿鳴於秋分前後入哨率候是時今

年秋暖故鹿哨尚未盛也

欣同菜圃慶秋長
待圍每選嘉陰坐
攬景

從容有句償

題董邦達畫二首

秋林緬采

崑峯雄厚落飛泉
萬葉含霜綠翠鮮
命意由來非鑿像

得從扈蹕寫真詮

宿雨含烟

曉烟欲泮意猶酣
野竹蒼蘆鎖碧潭
應是中庭動秋思
遄飛逸興到江南

九日

木蘭雅合度重陽
處處登高是勝場
漢殿空傳蓬餌食

拂菻還識薜金香

時布魯特隨園亦預宴賜
唐書勅件傳地宜薜金

綠莎宜馬

滋逢暖紅葉藏廩
艷鬪霜小矣淮南
稱盛會鴻網萬騎

總軒昂

金
日
人
卷五
熱
已
郊

十日前關內徬徨畏炎燭蒸雲懼為霖更慮暘與僕五
日前關外曉寒峭巖谷長此將早霜禾黍尚芄綠即今
晴已定况復駐靈囿轉燠審無妨晶陽喜高暴絮衣脫
換紗叢樾爽風逐今秋已過閏情知涼應速此熱實利
稼秀實催嘉穀靈臺非舛測農扈有厚福何莫非

天賜為民額手祝

中元夕放河燈

過閨節占白露早便教塞館度中元却因少見翻如叛
底識推遷不者存夜浦愛看分芰炬野塘亦自有蘭盆
金仙無物不超度何事林間鹿避喧

待月西峯復下登舟賞玩

山莊泛月偶一逢況值新秋清且美過望而復蔽東嶺
白傅詩中悟其理急則計生因尋山蔽則氣作且置水
跋馬西峯最高處下視東嶺乃眼底不踰時尚未黃昏
東海湧出銀盤子大千世界一廣寒棗葉須彌難比擬

徐徐策騎下崇椒月隨我共登舟矣謝家高致昔留詩
別開生面惟予始談云卿士在箕疇旁求若濟亦將企

詠唐時回銅器

有序

山莊舊藏古銅器一似豆而短足初以為三代青
錄耳迫視之形不饗饗銘不乙丁金銀錯其文則
似回字令吐魯番哈家回子等識之惟識噶爰兩
字其餘皆不辨蓋彼經文亦有今古之異人不能
盡曉也嘗考回鶻唐時始通中國史稱其先匈奴

匈奴與今之蒙古相類則回回並非蒙古且殊教也元史始有回回國之名或稱其為大食國種大食在西域此稍近之明邱濬以為陳隋間始入中國在在有之在在有之者亦云其繁滋漢土者耳其的派固不離西域也今平定葉爾奇木哈什哈爾此實開闢以來不異之回地回人若布魯特若哈薩克皆其蔓延繁滋或雜蒙古種者有之若唐史回鶻傳所稱善駢射喜盜鈔者實近厄魯特之

習而非回人所能徒以回鶻音近回回因屬之纏
頭之類耳究之耳食舌傳魚魯千里將以餘暇博考
此姑俟之所喜者適獲此器於平定回城之時殲
厥渠魁繫以白練兆在斯乎兆在斯乎故從而為
之辭

不是辛尊與啓匡考時應入李唐時纏頭回鶻人斯用
餵肉葡萄宮所遺噶詩作平聲愛旁行粗可識永斯古籀豈

咸知速其重器茲先兆佇待倖來罷遠師

午暄

邇來候轉炎山雨昨夜洗驅盡婪尾熱峭涼侵袂矣予
心望晚稼未可便長此午暄暴晶陽華黍風尤美如是
期十日黃雲庶可擬

射

巡狩寧稽除授官門前次第引來看隨村簡職仍餘暇
以已先人與衆觀弓燥手柔秋正好候空鵠揭月輪團
鄭司農云方十尺曰侯四尺曰鵠如是則宜其百發百
中矣今所謂靶子者高四尺寬一尺以之試箭若鵠則

周圓僅此一尺而五層其中的則徑寸耳以之試髡頭
所謂候者方不過六尺空其中以懸鵠俗謂之檔子者
也或中鵠或矢出其空處
尚可若中檔子反有罰矢
警齡迴憶原茲地屢中親承

仁

祖歡

康熙六十一年子年十二

皇祖臨門引見罷

承

天語褒嘉迴思

廿七年事如在目前

王維烈芙蓉秋鴨

霜寒北漠鴨南迴幾朵芙蓉貼水開正是山莊秋半景

畫家那得見茲來

聞京師得雨誌事

去歲山莊遙盼澤

去歲秋旱關內關外無不望雨今年京縣渥霑膏此

間不雨熟已定

關外雨則氣寒早霜
茲不雨實為宜也

彼處即晴惠正叨

京兆春至雨後即
晴甚叶農候云

內外黔黎均意厪艱難稼穡為心勞

候暄程改駐清蹕

本擬七月十六日啓蹕往木蘭以
候暖鹿未哨移於中秋後起程消

得林泉興一陶

新月

一搗爛銀鈎可望不可搗堅欲玉尺量却入西林裏漢
邊斂雲片庭前舒桂莖情知中秋遙珍惜早爾爾全體

本無虧示冲有如此

涼

半夜西風曉驟寒
數聲霜信度雲端
前朝跋馬看山稼
逮熟無妨意為寬

即目

即目真情體物知
鶴糧或竊鶴啼饑
青田誰為供芻粟
可使由之意若斯

中秋帖子詞九疊前韻

有序

晶盤瑩采九十平分金粟翻香三千徧滿寄崇情
於玉塞延麗矚乎雲莊原夫閨律暑遲田畯佇登
禾之喜邊垣秋晚虞人需戒道之期看來鶴鹿皆
馴

祖澤常懷

文囿聽去笙歌並韻

慈顏近侍

瑤池重隄曲水杯流虛白毫光和寶剎浮圖互映半壁高

峯錘照空青黛色與降蕃列帳交縈遼哉萬里同
晴闌外懽聲傳擲筵捷矣百城俱下湟中勁響應
宣鏡想一軍振槁先登快甚吳剛斧琢知二豎擒
生立致迅逾博望槎迴既開桂殿長筵將啓蘅臯
清蹕紀旋鑪之盛事合勝停鑪廐秋帖之新裁宜
過春帖曩者四篇製就固已都捐霓羽靡詞茲馬
九疊吟成庶幾共叶瑩韶雅奏云爾

膠地良辰可放閒攜來詩稿自刊刪開編恰是中秋帖

即事重吟玉塞山

朗照寧分中外光
揮毫墨染桂花香
興州景詠纔四度

合京師木蘭諸處九疊前詞
於山莊已為四度帖子矣
西極功成連一匡

沈沈猶有逐回師
獲醜行成奏凱詩
雖共儒臣賞佳節

塵懷遙在察汗池

二箇逃
往之地

欲招東甌上西樓
暑覺山寒不礙秋
風月宜人廢九疊

光陰瞥眼憶從頭

登樓

餘閒聊爾試登樓近遠山田報有秋一月幾迴開口笑
萬幾無間悉心籌錘峯早上圍圍魄濡水寧殊今古流
此夕此時祇宜樂為懷西旅却增愁

所見

壑遍山田不剩林

三十年以前凡關外山皆有木可獵今則開壑率遍不見林木非木蘭獵

場禁地皆不可行國矣

餘糧棲畝幸逢霖不教緹騎輕蹂躪能忘

萬官惕照臨愁以得之慰亦切難而獲者惜猶深可知
攬轡徐行處多少思艱圖易心

涼六韻

昨日塞雲重興安想雪飛迫來嵐氣峭迎去曉暎微複
障聊成憇平林旋合圍蹄輕宜獵騎身冷換旃衣冰凌
六隨溪下霜華到午蹄馳驅藉取暖屢屢玉鞭揮

八月二十三日

皇考忌辰作

二紀倏成昔一悲直至今北來秋序每

南望白雲深善繼曾何有時思益弗禁從頭讀

遺

詔

于小斗每值
于恭讀

遺詔一過誌不忘也
皇考忌辰必盟
敢不勵初心

捷報

逆酋霍集占兄弟一創於霍斯庫魯克再創於阿爾楚爾勢蹙窮竄將軍富德等急躡之於伊西洱庫爾是拔達山連界地也時賊衆據峯負固我兵整陣剿擊中發大神威遠礮兼簡偏銳用鳥鎗夾攻賊中有伯克等悉其大隊呼籲乞降霍集占自山頂遮截至手刃之不得止而我兵四路設伏盡

起有徒步援絕壁進者轉戰一晝夜賊遂大潰計
獲賊衆一萬二千有奇鎗械二千有奇牲畜一萬
有奇逆酋僅以殘衆四五百人逸去富德等傳檄
拔達山部長曉譬順逆令其尅日縛獻至是捷聞
朕以二酋一日不獲軍務一日不竣雖仰賴

鴻庥收城服衆而旁午擘畫何能釋懷爰誌長言佇期永
靖詎得已哉

待圍小憩坐屏顏捷報飛傳達玉關奏牘機宜悉覽遍

降蕃輜重盡遮還千軍直進伊西洱二堅旋逃拔達山
除蔓斯之未底定可辭畫策旰宵間

九日

萬嶂巖寄天沃寥木蘭菊節度今朝登高即目無遺照
在上惟懷不敢驕勝地恰宜風雨度

是日微有風雨

芳筵兼聽

管絃調

以節日賜食

近臣那易知有喜劇待佳音正不聊

時將軍富

德等遣使拔達山諭擒逆酋和卓木兄弟起
日往返通計軍報旦夕當至行在深用厯懷

野郵

築場納稼石田收塞景寥蕭卷野邛兩嶺蒼烟連樹迴

一川寒水共秋流罷園卿可輕輿御

自御園殿行至出
哨日乘馬罷園始

御輿通年來
幸以為例

有暇何妨警句酬迴望雲山縹緲處幾多

清興彼中留

題金廷標畫疊前韻

庚辰

畫境兩疑然精神會一川開窓山宛似題句韻還連樹

疊蒼茫嶺雲澄碧落天丹青本無翼到此訝居前

舊作
有寄

教粘素壁待我印當前之
句慙勤拙來預張壁間矣

夜雨

枕上浙瀝聲秋宵落山雨隔窓想蛩
昏度嶺鳴林楚晚田率穫罷潤尚滋
蔬圃明當駐行蹕夫誰漸石苦雨可
晴亦得幸值忘憂所

夕

靄靄萬山蒼蕭蕭一谷涼天河真覺
近秋夜漸添長箭永蓮華漏篆消
心字香可忘銀燭下籌筆昨年忙

詠木變石

千年木抱石為胎根柢糾纏猶木理名之為木已換形
黝然古澤芝朶紫繩墨既不中琢磨非所擬材不材間
全其天此木實達蒙莊旨

村行三首

迤北天寒惟一收一收豐亦擬三秋村民乘暇翻犁地
播穀憐他隔歲謀

崖角山巔無隙地刀耕火種有餘思村童也解迎清蹕
恰似蓬頭王霸兒

一川流水百盤澗
碎石堆筐架野橋
撇捩何妨策馬渡
秋晴正值漲痕消

夜雨

半夜星羅宇四更
山吐雲隔窓霏勢
擬歌枕颯聲聞農
務既云畢閒情且
自欣明當詠烝涉
亦欲習勞勤

雨中塞上行

夜雨連晨勢未已
行旌先發難中止
文侯罷獵必親往
我亦何妨一仿此
白榆綠柳時逢迎
快哉雨中塞上行

杜老前後則何有周王左右堪同廢製衣策馬跋泥淖

誰言秋雨弗濕帽

國語有秋雨不濕帽之語謂秋雨不能久也

行宮駐蹕豈

不佳習勞先

去聲

衆從吾好鑒儀衛率校尉隨輿逸坐

那肯為內扎薩及外厄魯橐鞬扈從瞻威儀巒姿林態

渾難狀配藜旁魄復滌盪萬馬奔騰如萬舟雪浪銀山

陵潏沆北人使馬南人船一合相真成大觀山村老農

笠底笑明春種早不待言

夕

雲歸高岫塞天明徒倚山寒向晚清那似去年臨此地
驛章旁午策軍情

復雨

山雲散復聚塞雨密還疎度嶺幻明暗隨風作疾徐不
妨徑策騎也覺塵漸車闕內正滋麥欣生跋涉餘

晴

塞山捲下西北風怒號萬竅真是雄煙銷雲散無留蹤
朗朗秋日懸高空今朝晴定真堪喜明日天彌方伊始

吉行五十里而遙後行輻重應至矣抱被入直庶免嗟
試問誰匪懷居士

塞山雪景

夜帳擬聞雨點飄朝來玉色染崇椒
四陵旋旋因風積陽巘微微見曉消

未凍煙蕪鹿正肥平岡磬控馬如飛
何須濶論山陰棹九月木蘭雪打圍

細步嫩蘚全藏色翠柏丹楓未改形
一谷溫暾迎曉日

不妨按轡為延停

松林獲鹿美於羊帶濕松枝燃亦香僧舍茶煙故清絕
朝家古俗那宜忘

玉屑銀沙萬嶂鋪尋蹤還擬捉於菟毳衣箇箇誇披得
誰識詩人鄭鷓鴣

千峯隱現曉煙濃活畫宜人面面逢實景真情欣始遇
祇疑摩詰出形容

晚晴

晚晴明積素巖景益堪奇
鏤玉為屏際歛雲歸岫時
入圖浮霽色敲臼引清思
今夕蝦蟆冷東山故上遲

立冬

九月晦日

平在元冥令來遊龍琅郎因行慶駐志詎暢輶勤京

國風占候

每當節候太史例占風

塞天霽歛雲小陽春律暖

是日暖

亦為從人欣

題張宗蒼畫

山莊舊見宗蒼畫向未題詩輒補題曲折雲林皆可入

高低礪道訝纔躋誰分幻境將真境道是全提早半提
昔失當前今鄭重義辭聊擬玩先迷

射

射是朝家夙所長承平遊豫那宜忘攜來新附控弦部
駐此

當年避暑莊親御矢弧聊示度數頒幣帛用旌良樹侯疊

中休稱頌

是日發矢二十七中十之九破的者六及易
小鵲後連中傷部新舊監哈薩先陪臣侍觀

者無不喜
曜稱異 敬仰

前猷敢不獲

暖

今年秋候長入冬氣尚暖朱鳥升東林騰暉巖谷滿羣

稱及嚴寒

今年團期較遲做裝時皆以歸程正居冬寒而過日序尚暄和與往歲迴蹕山莊時無異

忘之以轉眼堪因恁人情忖度寧待遠

弦月

弦月上嚴節冰天見塞山隔林猜窄濶輾漢疊團彎寒
迨煙嵐峭光含網水潺湲觀綠底事尋鹿入甯還

曉

鳥鳴當天雞山含曙色曉嵐涼雖淦淦空宇猶浩浩子
輿稱旦氣調御乃成道於焉悟軌塗契會殊不少

居高

山樓枕碧嶺小坐念居高望治心徒棘勤民目久蒿言
多後從面疵或索吹毛即景懷慙慙休云此避囂

入深

谷抱山還疊行行漸入深居然叅理窟珮爾對寒林雲

裏辨峯影冰間澀瀑音迫甯精舍構涯溪許誰尋

卽事

冬山觸處耐吟凭呵凍攜詞興偶乘日落遙峯一片靄
泉流古磴幾條冰披寒檐杙紛還鳥綴景招提不著僧
尋鹿入甯歸趁月銷人何事更張燈



欽定熱河志卷五